

Script of Evening Gojri News Bulletin 07 October 2024 at 1700 Hrs

ایوننگ گو جری نیوز بلیٹن مو رخہ 07 اکتوبر 2024

یوہ آکا شوانی جموں ہے محمد مبارک ماہر تے نصرت چودھری تیں خبر سُنو۔ پہلاں
خاص خاص خبر۔

*1- وزیر اعظم نریندر مو دی نے کہیو ہے کہ بھارت نے ہمیشہ مالدیپ نانہہ پہلاں جواب دین
آلا غو کردار ادا کیو ہے۔

*2- جموں کشمیر مانہہ 873 تے ہریانہ مانہہ 1031 امید واراں غی سیا سی قسمت بارے
پلک قانون ساز اسمبلیاں غا 90/90 حلقاں غا ووٹاں غی گنتری غے ویلے وے گو۔

*3- نکسل متاثرہ ریا ستاں بشمول شمال مشرق جموں کشمیر تے چھتیس گڑھ غا 13 ہزار
نوجوان ہتھیار چھوڑ غے باقاعدہ قومی سلسلہ مانہہ شامل ہو گیا ہیں۔

*4- مرکزی وزیر ڈاکٹر جتندر سنگھ غو کہنو ہے جے خلائ سٹارٹ اپس غا سلسلہ مانہہ
مہم جوئی سرمایہ واسطے 1 ہزار کروڑ روپیہ مختص کیا گیا ہیں۔

خبران غی تفصیل نال پہلا محمد مبارک ماہر۔

PM Maldives talks

وزیر اعظم نریندر مو دی نے کہیو ہے کہ بھارت نے ہمیشہ مالدیپ نانہہ پہلاں رد عمل ظاہر
کرن آلو کردار نبھایو ہے۔ یاہ گل اُن نے نوی دہلی مانہہ مالدیپ غا صدر ڈاکٹر محمد مونزو
غے نال وفدی سطح ور گل بات کرن تیں بعد کہی وزیر اعظم نے اک سانجہ پر یس بیان
مانہہ اس گل ور لو کہلی کہ بھارت نے ہمیشہ اک گوانڈی غا طور ور اپنی ذمہ داری پوری
کی ہے۔ اُن نے کہیو کہ مالدیپ غا لوکاں واسطے ضروری چیزاں غی لوڑ نانہہ پوراں کرنو
وے یاہ قدرتی آفات غے دوران پین آلا پانی غی دستیابی یاہ فر کو ویڈ ویاہ غے ویلے اس
مُلک نانہہ کوئیڈ مخالف دوائی فراہم کرنو وغیرہ بھارت ہمیشہ پیش پیش رہیو ہے۔ اُن نے
کہیو کہ بھارت تے مالدیپ غا تعلق صدیاں پُرانا ہیں اور بھارت اس غو قریبی گوانڈی تے
دوست ہے۔ وزیر اعظم نے کہیو کہ مالدیپ غووی مہاری گوانڈی پہلاں پالیسی تے ساگر
نظریہ مانہہ اک خاص مقام ہے۔ اپنا بیان مانہہ ڈاکٹر مونزو نے کہیو کہ میں تے وزیر اعظم
مو دی نے اک اکھٹاں مہارا کامیاب ترقیاتی سفر غو مشاہدو کرن غا سلسلہ مانہہ دوہاں
مُلکاں بشکار مستقبل غا تعاون غی راہ سر کرن خاطر وسیع گل بات کی ہے۔ اُن نے کہیو
جے دوہاں فریقان نے دو طرفہ تعلقات غا حوالہ سنگ اک جامع نظریاتی دستاویز ور اتفاق
کیو ہے۔ وزیر اعظم نریندر مو دی نے مالدیپ غا صدر ڈاکٹر مونزو غے نال مالدیپ مانہہ
بینمادھو بین القوامی ہوائی اڈہ غی پٹی غو عملی طور ور افتتاح وی کیو۔ اس تیں علاوہ
روپے کارڈ غی آدانیگی وی مالدیپ مانہہ متعارف کرانی گئی ہے۔ کیونجے وزیر اعظم
نریندر مو دی تے ڈاکٹر مونزو نے اس طرح غا پہلا لین دین با رے مشاہدو کیو۔ دوہاں
مُلکاں بشکار کئی سارا مفاہمت ناماں ور دستخط کیا گیا۔ جن مانہہ بدعنوانی سنگ نمڑن،
عدلیہ تے نوجوان اور کھیڈاں غا شعبہ شامل ہیں۔

Counting JK Haryana

جموں کشمیر مانہہ 873 تے ہریانہ مانہہ 1031 امید واران غی سیا سی قسمت غو فیصلو پلک وے گو۔ جموں کشمیر مانہہ 90 اسمبلی حلقاں غی ووٹاں غی گنتری گا سلسلہ مانہہ 20 گنتری مرکز سخت حفاظتی بندوبست مانہہ قائم کیا گیا ہیں۔ تمام ضلع صدر دفتران ور گنتی غا مرکز قائم کیا گیا ہیں جن مانہہ مرکزی تے ریاستی مسلح پولیس غی 3 پرتاں غے نال ضلع پولیس غا دستا وی حفاظت ور تعینات کیا گیا ہیں۔ ڈپٹی ایس پی سطح غا افسر سٹرانگ روم تے گنتری ہال دوہاں مانہہ حفاظتی انتظامات غی نگرانی کریں گا۔ 10 بہراں گا وقفہ تیں بعد حال ہی مانہہ ہون آلا اسمبلی انتخابات مانہہ ووٹراں غی زبردست گہما گہمی دیکھن مانہہ آئی۔ 3 مرحلاں مانہہ ہون آلا انتخابات واسطے ووٹ 25/18 تے رواں مہینہ غی پہلی تاریخ نانہہ کہلیا گیا تھا۔ ہریانہ مانہہ 90 اسمبلی حلقاں واسطے 90 گنتری مرکز قائم کیا گیا ہیں۔ اعلیٰ چناؤ افسر پنکج اگروال نے کہیو کہ یہ تمام گنتری مرکز 22 ضلعاں غا صدر دفتران ور قائم کیا گیا ہیں۔

Counting Jammu

جموں انتخابات با رے ووٹاں غی گنتری 3 اہم مقامات ور وے گی۔ مہارا ضلع نامہ نگار جموں انکوش شرما غے مطابق جموں جنوب اسمبلی حلقہ بابو، بشناہ، سنجیت گڑھ، آر ایس پورہ تے جموں مغرب غی گنتری مولانہ آزاد میموریل کالج جموں مانہہ وے گی۔ جد کہ جموں مشرق، نگروثہ، جموں شمال، مڑھ، اکھنور تے چھمب غی گنتری پولی ٹیکنک کالج جموں مانہہ وے گی۔ تمام مرکزناں نانہہ ہموار تے سوہنا طریقہ نال گنتری نانہہ یقینی بنان غا سلسلہ مانہہ خاطر خواہ حفاظتی انتظام کر لیا گیا ہیں۔

Raina Govt

جموں کشمیر انتخابات مانہہ ہوا چناؤ غی پلک ہون آلی گنتری تیں اک دن پہلاں جموں کشمیر پی جے پی غا صدر رویندر رینہ نے اس اعتماد غو اظہار کیو ہے جے اُن غی جماعت آزاد تے نجی سیا سی جماعتاں غی حمایت سنگ سرکار بنان مانہہ کامیاب وے گی۔ رینہ نے کہیو کہ مینا یقین ہے کہ بی جے پی کشمیر مانہہ وی اپنو کھاتو کھولے گی۔ بی جے پی نے ووٹاں غی گنتری غے تہاڑا بارے اپنا گنتری اہلکاراں تے رہنماواں سنگ گل بات کی ہے۔ اُن نے کہیو جے پلک جد جموں کشمیر مانہہ ووٹاں غی گنتری وے گی تے مینا یقین ہے کہ بی جے پی یوہ انتخاب جیت جائے گی۔ اُن نے کہیو جے مہاری جماعت 35 سیٹ جیت لے گی اور اپنی حمایت یافتہ سیا سی جماعتاں تے آزاد امید واران نال رل غے سرکار بنان مانہہ کامیاب وے گی۔

Kharge Govt Formation

آل انڈیا کانگریس غا صدر ملک ارجن کھرگے نے اج اعتماد ظاہر کیو ہے کہ اُن غی جماعت ہریانہ مانہہ برسر اقتدار آن اور جموں کشمیر مانہہ اتحادی جماعت نیشنل کانفرنس رل غے حکومت بناوے گی۔ دوہاں اسمبلی انتخابات غا نتیجاں غو اعلان پلک کیو جائے گا۔ اُن نے کہیو کہ پہلاں وی ہم نے کہیو تھو کہ ہریانہ تے جموں کشمیر مانہہ کانگریس غی سرکار بنے گی۔ یاہ گل اُن نے بنگلورو مانہہ نامہ نگاراں سنگ گل کرتاں واں کہی۔ اُن نے دسیو جے جموں کشمیر مانہہ کانگریس تے نیشنل کانفرنس اتحادی سرکار بناویں گی۔ اور ہریانہ مانہہ کانگریس غی اپنی سرکار بنے گی۔ مچ سارا ووٹاں با رے اندازہ نے ہریانہ مانہہ کانگریس واسطے واضح اکثریت غی پیشنگوئی کی ہے اور جموں کشمیر مانہہ نیشنل

کا نفرنس غے نال اس غا اتحاد نانہہ برتری دتی ہے۔ جس مانہہ علاقائی اتحادی نوکلی سب تیں بڑی جماعت گا طور ور ابھری ہے۔

Congress JK

جموں کشمیر پردیش کا نگریس کمیٹی غا صدر طارق حمید قراہ نے جموں کشمیر مانہہ اگلی سرکار بنان ور اعتماد غو اظہار کیو تے اقتدار مانہہ آن تیں فوراً بعد موجودہ انتظامیہ غی طرفوں بغیر کسے توجو غے چھوڑی گئی 1 لکھ آسامیاں نانہہ پر کرن غو عہد کیو۔ مہارا ضلع نامہ نگار انوش شرما سنگ خصوصی گل بات کرتاں واں طارق حمید قرہ نے اس طرح کہیو۔ بانٹ۔۔

Kavinder Govt

جموں کشمیر غا سابق نائب وزیر اعلیٰ کویندر گپتا نے کہیو ہے کہ مہارا ووٹ کھلن با رہے اندازہ غے مطابق ہم جموں خطہ غا علاقہ مانہہ قریب 35 تیں 40 اسمبلی حلقاں مانہہ اپنی جیت حاصل کرن غو توقعو رکھاں۔ مہارا ضلع نامہ نگار سنگ خصوصی گل بات کرتاں واں کویندر گپتا نے اس طرح کہیو۔ بانٹ۔۔

یہ خبر تم آکاشوانی جموں تیں سن ریاہیں خبراں باقی حصہ نال نصرت چودھری۔

Shah LWE Meeting

مرکزی وزیر داخلہ امت شاہ نے کہیو ہے کہ مرکزی تے ریاستی حکومتاں غے درمیان بہتر تال میل غے نال ملک تیں نکسل واد غو صفايو کیو جا رپیو ہے۔ کہیو تہڑا غی انتہا پسندی تیں متاثرہ ریاستاں گا وزرائے اعلیٰ غے نال میٹنگ غے دوران انہاں نے دسیو کہ نکسل تشدد گا واقعات 16 ہزار تیں کہت ہو غے تقریباً 7 ہزار سو رہ گیا ہیں۔ عام شہریاں تے فوجی دستاں غی ہلاکت مانہہ 70 فیصد غی کمی آئی ہے۔ جناب شاہ نے نکسل واد مانہہ شامل نوجواناں ور زور دتو کہ وے اپنا ہتھیاراں نانہہ چھوڑ دیں۔ انہاں نے مزید کہیو کہ شمال مشرقی، جموں کشمیر تے چھتیس گڑھ سمیت نکسل تیں متاثر ریا ستاں غا لگ بھگ 13 ہزار نوجواناں نے ہتھیار چھوڑ غے عام دائرہ مانہہ شامل ہو چکا ہیں۔

Jatinder Singh Startup

سائینس تے ٹیکنالوجی غا وزیر ڈاکٹر جتندر سنگھ نے اعلان کیو ہے کہ بھارتی حکومت نے خلائی سٹارٹ اپس غی مدد واسطے اک وینچر فنڈ واسطے 1 ہزار کروڑ روپیہ مختص کیا ہیں۔ انہاں نے روشنی کھلی کہ مودی حکومت 3.0 غا پہلا 100 تہاڑاں مانہہ پچھلا 10 بہراں مانہہ بھارت مانہہ خلائی سٹارٹ اپس غی تعداد بدھ غے 1.5 لکھ تیں زیادہ ہو گئی ہے۔ جس تیں بھارت دنیا غو تیجو سب تیں بڑو خلائی ماحولیاتی نظام بن گیو ہے۔ خلائی شعبو صرف چند کمپنیاں تیں بدھ غے مختصر وقت مانہہ 200 تیں متو ہو گیو ہے۔ ڈاکٹر سنگھ نے یوہ وی دسیو کہ خلائی شعبہ مانہہ 100 فیصد براہ راست غیر ملکی، سرمایہ کا ری غی فراہمی جھیڑی مودی حکومت غے ذریعے متعارف کرائی گئی ہے۔ نواں نواں اقدامات تے کا روپا ری افراد غی حوصلہ افزائی کی ہے۔

Mine Samba

جموں کشمیر غا ضلع سانہ مانہہ گراں غا لوکاں نے بکھ بکھ جگہاں ور اک زنگ آلو دہ اینٹی ٹینگ با رود سرنگ تے اک پُرانو مورٹار گولو دریافت کیو۔ اک کسان نانہہ اپنا کھیت مانہہ کم کرتاں واں ریگل سرحدی چوکی غے قریب کان ملی تے اُس نے فوری طور ور سرحدی فوجی دستاں نانہہ اطلاع دتی۔ ماہرین نے دوہاں دھماکا خیز مواد نانہہ باحفاظت ناکارہ بنا دتو۔

Poonch Security Counting

اسمبلی انتخابات غا ووٹاں غی گنتری تیں پہلاں پونچھ مانہہ حفاظت بدھا دتی گئی ہے۔ جموں کشمیر پولیس نے نیم فوجی دستاں غے نال مل غے اضافی نفری تعینات کی ہے۔ متعدد چوکیں قائم کی ہیں تے اہم علاقاں مانہہ گشت بدھائی گئی ہے۔ حساس مقامات ور خصوصی توجہ دیتاں واں کسے وی قسم گا واقعات نانہہ روکن واسطے ضلع غا تمام داخلی تیخارجی رستاں نانہہ سیل کر دتو گیو ہے۔ خلل تیں بچن واسطے گنتی غا مراکز غے قریب اجتماع ور پابندی عائد کر دتی گئی ہیں۔ تے طبی ٹیم سمیت ہنگامی خدمات ات موجو د ہیں۔ مہارا ضلع نامہ نگار ر انوپہاؤ مصری غے مطابق اک سینئر اہلکار نے تصدیق کی ہے کہ انتظامیہ ووٹاں غی گنتی گا عمل نانہہ ہموار تے محفوظ بنان واسطے پوری طرح تیار ہے۔ حکام نے عوام ور زور دتو ہے جے وے حفاظتی اقدامات مانہہ تعاون کریں تے مراکز غے ارد گرد بڑی تعداد مانہہ جمع ہون تیں گریز کریں۔ سلامتی دستاں اعلیٰ چوکسی ور ہیں، تانجے ضلع پھر مانہہ امن و امان قائم رکھیو جا سکے۔

Vayu Veer Vijata Rally

بھارتیہ فضائیہ غی 92 ویں سالگراہ گو جشن منان واسطے کل لداخ غا تھوئیس تیں 70 ہزار کلو میٹر لمی وایو ویر وجیتا غی ریلی نانہہ جھنڈی دس غے روانہ کیو جا ئے گو۔ یاه ریلی اس مہینہ غی 29 تا ریخ نانہہ اروناچل پردیش غا توانگ مانہہ ختم وے گی۔ اس مہینہ غی شروعات مانہہ وزیر دفاع راجناتھ سنگھ نے ریلی نانہہ نوی دہلی مانہہ قومی جنگی یادگار تیں گرم جوشی نال رخصت کیو تھو۔ وزیر مملکت برائے سڑک و نقل و حرکت ہرش ملہوترا، جیمی کارس نانہہ لہیہ جان واسطے تھوئیس پُجیا۔ جس نانہہ مرکزی وزیر برائے سڑک ٹرانسپورٹ تے ہائی و نٹن گڈکری غی مکمل حمایت حاصل تھی۔

اس غے نال ہی خبراں غو یوہ بلیٹن ختم ہوؤ۔